

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
MINISTARSTVO ZDRAVSTVA TUZLANSKOG KANTONA
KRIZNI ŠTAB MINISTARSTVA ZDRAVSTVA TUZLANSKOG KANTONA

Broj: 13/1-33-2027-30-1/20

Tuzla, 01.06.2020. godine

Na osnovu Odluke Vlade Federacije Bosne i Hercegovine da 31.5.2020. godine prestaje stanje nesreće uzrokovane pojavom koronavirusa (COVID-19) na području Federacije BiH od 29.05.2020. godine i Naredbe Kriznog stožera Federalnog ministarstva zdravstva broj: 01-33-3223/20 od 29.05.2020. godine i 01-33-3223-1/20 od 31.05.2020. godine, Krizni štab Ministarstva zdravstva Tuzlanskog kantona donosi

NAREDBU

1. Dozvoljava se javno okupljanje ljudi na određenom prostoru, pod sljedećim uvjetima:
 - za ne više od 100 ljudi u zatvorenom prostoru i
 - za ne više od 300 ljudi na otvorenom prostoru.

Sva okupljanja unutar navedenih ograničenja moraju se odvijati u prostoru koji omogućuje obaveznu fizičku distancu od najmanje 2 metra između osoba (osim članova istog kućanstva). Sa ciljem smanjivanja rizika od infekcije COVID-19, kao i zaštite osobnog zdravlja, za vrijeme okupljanja, potrebno je obavezno pridržavanje preporuka donijetih od strane Zavoda za javno zdravstvo u Federaciji BiH i TK (higijensko-epidemioloških mjera).

2. Dozvoljava se rad poslovnim subjektima, uz praćenje općih i specifičnih preporuka radi sigurnosti osoblja i klijenata u kontekstu COVID-19 bolesti, uz obavezno pridržavanje preporuka donijetih od strane Zavoda za javno zdravstvo u Federaciji BiH i TK (higijensko-epidemioloških mjera).
3. U zdravstvenim ustanovama, bez obzira na oblik vlasništva, kao i privatnim praksama, obavezno je pridržavanje striktnih mjera za prevenciju i kontrolu infekcije i praćenje općih i specifičnih preporuka radi sigurnosti osoblja i pacijenata u kontekstu COVID-19 bolesti.
4. Dozvoljava se pružanje usluga u ugostiteljskim objektima, u otvorenom i zatvorenom prostoru, samo sjedeća mjesta, uz obavezno pridržavanje preporuka donijetih od strane Zavoda za javno zdravstvo u Federaciji BiH i TK (higijensko-epidemioloških mjera).
5. U ugostiteljskim objektima, i to samo na otvorenom (baštama i terasama), dozvoljava se uporaba i konzumiranje nargila (šiša), uz obaveznu promjenu jednokratnog nastavka i jednokratnog crijeva, nakon konzumiranja od strane svakog pojedinačnog klijenta.
6. Zabranjuje se rad noćnim klubovima i diskotekama.
7. Dozvoljava se održavanje sportskih takmičenja, ali bez prisustva publike, uz obavezno pridržavanje preporuka donijetih od strane Zavoda za javno zdravstvo u Federaciji BiH i TK (higijensko-epidemioloških mjera).
8. Dozvoljava se održavanje trenažnih procesa sportista svih sportskih klubova, uz obavezno pridržavanje preporuka donijetih od strane Zavoda za javno zdravstvo u Federaciji BiH i TK (higijensko-epidemioloških mjera).

9. Dozvoljavaju se posjete i izlazak štićenima u ustanovama socijalne zaštite i kazneno-popravnim zavodima. Posjete u ustanovama socijalne zaštite za zbrinjavanje i smještaj starijih osoba, odvijaju se u vanjskom prostoru, maksimalno dvije osobe u posjeti, uz obavezno održavanje fizičke distance i nošenje maski.

10. Dozvoljava se prijem novih štićenika u ustanovama socijalne zaštite uz uvjet da je prethodno provedena mjera izolacije od 14 dana i testiranje na COVID-19 nakon isteka roka od 14 dana izolacije koje mora rezultirati negativnim testom. Navedeno se primjenjuje i kod premještanja štićenika iz jedne ustanove u drugu, odnosno u slučaju premještanja štićenika iz zdravstvene ustanove u ustanovu socijalne zaštite. Obaveza je ustanove socijalne zaštite osigurati prostor za samoizolaciju.

11. Obavezno je nošenje zaštitnih maski u zatvorenom javnom prostoru, kao i u otvorenom javnom prostoru, ukoliko na otvorenom prostoru nije moguće održavati fizičku distancu od 2 metra između osoba.

12. Dozvoljava se rad gradskog, prigradskog i međugradskog prijevoza uz obavezno pridržavanje preporuka donijetih od strane zavoda za javno zdravstvo u Federaciji BiH (higijensko-epidemioloških mjera).

13. Zabranjuje se izvođenje nastave u osnovnim, srednjim školama i fakultetima, sa iznimkom on-line nastave. Dozvoljeno je održavanje vježbi i praktičnog rada na fakultetima, polaganje ispita, odbrane diplomskih i magistarskih radova, te doktorskih disertacija, održavanje prijemnih ispita i upisa novih učenika/studenata u osnovnim i srednjim školama i fakultetima, kao i praktičnog rada u srednjim strukovnim školama.

Dozvoljeno je održavanje pripravničkog i specijalističkog, odnosno subspecijalističkog staža zdravstvenih djelatnika u zdravstvenim ustanovama, te drugim institucijama u kojima se staž obavlja, polaganje stručnih, specijalističkih i subspecijalističkih ispita zdravstvenih djelatnika, kao i obavljanje pripravničkog staža i polaganje stručnih ispita u drugim strukama, uz obavezno pridržavanje preporuka donijetih od strane zavoda za javno zdravstvo u Federaciji BiH (higijensko-epidemioloških mjera)”

14. Mikrobiološko-laboratorijsku dijagnostiku-real time PCR za detekciju SARS-CoV-2 obavljaju laboratorije zdravstvenih ustanova verificirane od strane Federalnog ministarstva zdravstva, kao i Veterinarski fakultet Univerziteta u Sarajevu- Laboratorij za molekularno-genetička i forenzična ispitivanja, koji je akreditiran za molekularno-dijagnostička ispitivanja sukladno BAS EN ISO 17025-2006. standardom, kao podrška javnom zdravstvenom sektoru.

15. Preporučujemo svim državljanima Federacije BiH da ne putuju u zemlje pogođene novim koronavirusom (COVID-19), odnosno u zemlje sa visokom incidencom COVID-19, zbog povećanja rizika od unošenja novog koronavirusa (COVID-19) u Federaciju BiH, a što bi dodatno moglo rezultirati pogoršanju COVID-19 epidemiološke situacije u Federaciji BiH.

16. Preporučuje se svim državljanima Federacije BiH, kao i stranim državljanima koji dolaze u Bosnu i Hercegovinu iz zemalja sa prisutnom COVID-19 infekcijom, posebno iz zemalja sa visokom incidencom COVID-19, obavezno pridržavanje preporuka donijetih od strane Zavoda za javno zdravstvo u Federaciji BiH i TK (higijensko-epidemioloških mjera).

17. Provođenje naredbi od 1.-13. kontroliraju organizatori javnih okupljanja, menadžment poslovnih subjekata i ustanova, a provođenje naredbi od 1.- 14. kontroliraju nadležni odnosno ovlašteni inspektori u Federalnoj i kantonalnim upravama za inspekcijske poslova, kao i nadležni odnosno ovlašteni općinski i gradski inspektori, svaki u okviru svojih nadležnosti.

18. Naredba se donosi sa rokom važenja od 14 dana računajući od dana početka primjene ove Naredbe.

19. Ova naredba stupa na snagu danom donošenja, a primjenjuje se od 31.05.2020.

Dostaviti:

1x JZU/PZU na području TK – sve

1x Svim Ministarstvima TK

1x KUIP TK

1x ZZO TK

1x Mediji

1x a/a



MINISTRICA ZDRAVSTVA TK
PREDSJEDNICA KŠMZTK

[Signature]
dr. stom. Čolić Dajana